

博
物
志



博
物
志

張
華
撰

中
華
書
局

叢書集成初編

博物志

中華書局出版發行

(北京王府井大街三十六號)

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之二

統一書號：一七〇一八·一五一

四庫全書提要

博物志十卷。舊本題晉張華撰。考王嘉拾遺記稱華好觀祕異圖緯之部。摭探天下遺逸。自書契之始。考驗神怪。及世間閭里所記。造博物志四百卷。奏於武帝。帝詔詰問。卿才綜萬代。博識無倫。然記事采言。亦多浮妄。可更芟截淨疑。分爲十卷云云。是其書作於武帝時。今第四卷物性類中。稱武帝泰始中武庫火。則武帝以後語矣。周亮工書影譜藝文類聚引博物志子貢說社樹一條。今本不載。案此條實在第八卷中。亮工蓋偶然未檢。然考裴松之三國志注。魏志太祖紀。文帝紀。漢傳。吳志孫贛傳。引博物志四條。今本惟有太祖紀所引一條。而佚其前半。餘三條皆無之。又江淹古銅劍贊。引張華博物志曰。鑄銅之工。不可復得。惟蜀地羌中。時有解者。今本無此語。足證非宋齊梁時所見之本。又唐會要載顯慶三年。太常丞呂才奏。按張華博物志曰。白雪是秦帝使素女鼓五絃曲名。以其調高人。遂和寡。又張彥遠歷代名畫記。引張華博物志曰。劉褒。漢桓帝時人。曾畫雲漢圖。人見之覺熱。又畫北風圖。人見之覺涼。今本皆無此語。李善注文選。引張華博物志十二條。見今本者九條。其西京賦注。引王孫公子。皆古人相推敬之詞。一條。閩居賦注。引張騫使大夏得石榴。李廣利爲貳師將軍。伐大宛得蒲陶。一條。七命注。引橙似橘而非。若柚而有芬香。一條。則今本皆無此語。段公路北戶錄。引博物志五條。見今本者三條。其鶴鷓一名雞鷓。一條。金魚腦中有麩金。出功婆塞。一條。則今本皆無此語。足證亦非唐人所見之本。太平廣記。引博物志鄭宏沈

饒川一條。趙彥衛雲麓漫鈔引博物志黃藍張鸞得自西域一條。今本皆無之。晁公武讀書志稱卷首有理略。後有讚文。今本卷首第一條爲地理。稱地理略。自魏氏曰以前云云。無所謂理略。讚文惟地理有之。亦不在卷後。又趙與貴資退錄稱張華博物志卷末載湘夫人事。亦誤以爲堯女。今本此條乃在八卷之首。不在卷末。皆相矛盾。則併非宋人所見之本。或原書散佚。好事者掇取諸書所引博物志。而雜採他小說以足之。故證以藝文類聚。太平御覽所引。亦往往相符。其餘爲他書所未引者。則大抵剽竊大戴禮。春秋繁露。孔子家語。本草經。山海經。拾遺記。搜神記。異苑。西京雜記。漢武內傳。列子。諸書。餽飭成帙。不盡華之原文也。又劉昭續漢志。律歷志引博物記一條。輿服志引博物記一條。五行志引博物記二條。郡國志引博物記二十九條。齊東野語引其中日南野女一條。謂博物記。當是秦漢間古書。張華取其名而爲志。楊慎丹鉛錄亦稱據後漢書注。博物記乃唐蒙所作。今觀裴松之三國志注。引博物志四條。又於魏志涼茂傳中引博物記一條。灼然二書更無疑義。此本惟載江河水赤一條。又載漢末關中女子及范朋友奴發冢重生一條。而分爲兩條。又載日南野女一條。訛羣行不見夫句爲羣行見丈夫。訛其狀蟲且白句爲狀晶目。其餘三十一條。則悉遺漏。豈非偶於他書見此三條。以博物二字相同。不辨爲兩書。而貿貿探入乎。至於雜記下所載豫章衣冠人有數婦一條。乃隋書地理志之文。唐人所撰。華何自見之。尤難合成編之明證矣。書中間有附注。或稱盧氏。或稱周日用。案文獻通考載周盧注博物志十卷。又盧氏注博物志六卷。此所載寥寥數條。殆非完本。或亦後人偶爲摘附歟。

博物志卷一

晉張華撰

地理略自魏氏日已前夏禹治四方而制之。

余視山海經及禹貢爾雅說文地志。○葉本脫此字。雖曰悉備。各有所不載者。作略說。出所不見。粗言

遠方。陳山川位象。吉凶有徵。諸國境界。犬牙相入。春秋之後。並相侵伐。其土地不可具詳。其山川地澤

略而言之。正國十二。博物之士。覽而鑒焉。○葉本誤作覽。不知焉。

河圖括地象曰。地南北三億三萬五千五百里。地祇之位。○御覽三十六部作氏。疑卽祇字之壞。俗本並

作部。起形高大者。有崑崙山。廣萬里。高萬一千里。神物之所生。聖人仙人之所集也。出五色雲氣。五色流

水。其白水東南流入中國。○白水二字。原合爲泉。又脫東字。並依御覽三十八補正。與後漢書張衡傳注。

引河圖文合。名曰河也。其山中應于天。最居中。八十城布繞之。中國東南隅。居其一分。是好城也。崑崙山

之東北。地轉下。○原脫之東二字。依初學記五。御覽三十六補正。三千六百里。有八元陶都。方二十萬里。

初學記。萬上有餘字。地下有四柱。○御覽作八柱。文選海賦注。引括地象。作四柱。四柱廣十萬里。○

御覽。萬字。地有三千六百軸。互相牽制。○原作犬牙相牽。後御覽改名山大川。孔穴相內。和氣所出。則

生若脂玉膏。食之不死。神龍靈龜。行於穴中矣。東方有螭。蟠沃焦。陽風氏長三丈。無人處九寸。遠夷之名

雕題黑齒穿胸擔耳天竺岐首。○葉本脫胸字。地以名山爲之輔佐。○之字依御覽補。石爲之骨。川爲之脈。草木爲之毛。土爲之肉。三尺以上爲糞。三尺以下爲地。重陰之性也。○此句依御覽補。

考靈耀曰。地有四遊。冬至地上北而西三萬里。夏至地下南而東三萬里。春秋二分其中矣。地恆動不止。譬如人在舟而坐。舟行而人不覺。

天地四方皆海水相通。地在其中。蓋無幾也。○此上原並脫去。依初學記六補。七戎。六蠻。九夷。八狄。形類不同。○此三字依初學記補。總而言之。謂之四海。言皆近海。海之言晦昏無所覩也。

漢北廣遠。中國人尠有至北海者。漢使驃騎將軍霍去病北伐單于。至瀚海而還。有北海明矣。周日冊曰。余聞北海。言蘇武牧羊之所。去年德甚邇。祇一池號北海。蘇武牧羊常在於是耳。此地見有蘇武廟。非北溟之海。漢使張騫渡西海。至大秦。西海之濱。有小崑崙。高萬仞。方八百里。東海廣漫。未聞有渡者。○葉本誤於此分段史記封禪書云。齊宣。○葉本齊冥。俗本並作威宣。今按齊卽齊字。誤加小耳。齊宣與下燕昭文相儷。不必依史記本文。燕昭遣人乘舟入海。有蓬萊。方丈。瀛洲。三神山。神人所集。欲採仙藥。蓋言先有至之者。其鳥獸皆白。金銀爲宮闕。悉在渤海中。去人不遠也。南海短。狄未及西南夷。以窮斷。今渡南海。至交趾者不絕也。

中國之城。左瀕海。右通流沙。方而言之。萬五千里。東至蓬萊。西至隴右。后跨京北。○御覽三十六京作荆。前及衡岳。若計共四隅。有三億之餘。朝鮮。岷山。東治。可西也。隴川以南。及北海之國。此是堯舜土萬里。○

若計下三十字原並脫去。依御覽補及湯時七千里。○及湯二字依御覽補。此後亦無常。○此後二字依御覽補。隨德優劣也。

東方少陽。日月所出。山谷清明。○此字依御覽三百六十三補。其人佼好。

西方少陰。日月所入。其土窈冥。其人高鼻深目多毛。

南方太陽。土下沃。○原作淺。依御覽三百六十三改。其人大口多傲。

北方太陰。土平廣深。其人廣面縮頸。

中央四折。○葉本折。風雨交。山谷峻。其人端正。

堯別九州。舜爲十二。

五岳。華、岱、恒、衡、嵩。

四瀆。河出崑崙崑墟。江出岷山。濟出王屋。淮出桐柏。八流亦出名山。渭出鳥鼠。漢出嶓冢。○藝文類聚八瀆。

作漢。洛出熊耳。涇出少室。○藝文類聚涇作穎。汝出燕泉。泗出陪尾。沔出月台。○藝文類聚沔作澗。沃出

太山。○藝文類聚沃作沂。水有五色。有濁有清。河、淮、濁、江、濟、清。南陽有清冷之水。丹水泉水。○自河淮濁

至此原並脫去。依御覽五十九補。汝南有黃水。華山南有黑水。○南字依御覽補。天下之水類皆五色。今

載其名也。○此三句依御覽補。汧水不流。○此二字依御覽補。淵或生明珠。而岸不枯。山澤通氣。以與雷

雲氣觸石。膚寸而合。不崇朝以雨。

山有藪。○山上原衍小字。又脫變字。並依御覽八百八十六刪補。其形如鼓。一足如鼈。澤有委蛇。○葉本委邪狀如穀。長如轅。○葉本脫如轅二字。有蛇音也三字。疑舊音之混入正文者。見之者竊。

昔夏禹觀河。見長人魚身。出曰。吾河精。豈河伯也。○也耶二字古通。

馮夷。華陰潼鄉人也。得仙道。化爲河伯。○御覽百六十四。作得道水仙。爲河伯。豈道同哉。仙夷乘龍虎。水神乘魚龍。其行恍惚。萬里如室。

水石之怪。爲龍罔象。○國語無石字。木之怪。爲夔魍魎。○國語木下有石字。土之怪。爲墳羊。火之怪。爲宋無忌。

地性含水。山土泉者。○俗本山土二字倒。引地氣也。山有沙者。生金。有穀者。生玉。名山生神。芝不死之草。

上芝爲車馬形。○此形字。依御覽九百八十六補。中芝爲人形。下芝爲六畜形。○此形字。依御覽補。土山多雲。鐵山多石。五十所宜。黃白宜種禾。黑墳宜麥黍。蒼赤宜菽芋。下泉宜稻。得其宜。則利百倍。

有山者。採有水者。漁。山氣多男。澤氣多女。平衍氣仁。高凌氣犯。叢林氣覺。故擇其所居。居在高中之平。下中之高。則產好人。

居無近絕溪。羣冢狐蟲之所。近此則死氣陰匿之處也。

石者金之根。甲石流精以生水。○葉本流精二字倒。水生木。木含火。○葉本譯連下條。援神契曰。五岳之神聖。四瀆之精仁。河者水之伯。上應天漢。太山。天帝孫也。主召人魂。東方萬物之始。○

之字依六帖五補俗本作萬物始成疑以第六卷文改故知人生命之長短。○太山以下又見第六卷文。視此爲詳。

老子云萬民皆付西王母。唯王聖人、真人、仙人、道人之命。上屬九天君耳。

五岳視三公。四瀆視諸侯。諸侯賞封內名山者。通靈助化。位相亞也。故地動臣叛。名山崩。王道訖。川竭神去。國隨已亡。○已卽以字。葉本誤作也。海投九仞之魚。流水涸。國之大誠也。澤浮舟。川水溢。臣盛君衰。百川沸騰。山冢卒崩。高岸爲谷。深谷爲陵。小人握命。君子陵遲。白黑不別。大亂之徵也。

江河水赤。名曰泣血。道路涉骸於河以處也。

和氣相感。則生朱草。山出象車。澤出神馬。陵出黑丹。阜出土怪。江南大貝。海出明珠。仁主壽昌。民延壽命。天下太平。

秦前有藍田之鎮。後有胡苑之塞。左崤函。右隴蜀。西通流沙。險阻之國也。

蜀漢之士。與秦同域。南跨邛笮。北阻褒斜。西卽隈礙。隔以劍閣。窮險極峻。獨守之國也。

周在中樞。西阻嶠谷。東望荆山。南面少室。北有太嶽。三河之分。雷風所起。○御覽百五十八。雷風作風雨。

四險之國也。武王克殷。定鼎郊廓。以爲東都。○自武王下。並依御覽補。

魏前枕黃河。背漳水。○葉本漳誤作彰。瞻王屋。望梁山。有藍田之寶。浮池之淵。○葉本誤連下條。

趙東臨九州。西瞻恒嶽。有沃藻之流。飛壺井陘之險。至于潁陽。涿鹿之野。

燕却青沙漠。進臨易水。西至君都。東至於遼。長蛇帶塞。險陸相乘也。○葉本乘誤東。
齊南有長城巨防。陽關之險。北有河濟。足以爲固。越海而東。通于九夷。西界岱嶽。配林之峻。坂險之國也。
魯前有淮水。後有岱嶽。蒙羽之向。洙泗之流。大野廣土。曲阜尼邱。

宋北有泗水。○御覽百五十九有作至。南迄睢。過有孟諸之澤。碭山之塞也。

楚後背方城。前及衡嶽。左則彭蠡。右則九疑。有江漢之流。實險阻之國也。

南越之國。與楚爲隣。五嶺已前。至于南海。負海之邦。交趾之士。謂之南裔。

吳左洞庭。右彭蠡。後濱長江。南至豫章水。戒險阻之國也。

東越○葉本衍海字。通海處。南北尾閭之間。三江流入。南海通東。治崑海深險絕之國也。

衛南跨于河。北得洪水。南過漢上。左通黎澤。○俗本魯澤。右指黎山。

讀曰

地理廣大

四海八方

遐遠別域

略以難詳

侯王設險

守固保強

遠遮川塞

近備城堙

司察奸非

禁禦不良

勿恃危阨

恣其淫荒

無德則敗

有德則昌

安屋猶懼

乃可不亡

進用忠直○葉本險社稷永康

教民以孝

舜化以彰

博物志卷二

凡月暈隨灰畫之。隨所畫而闕。○淮南子云未詳其法。

麒麟鬪而日蝕。

鯨魚死而彗星出。

嬰兒號。婦乳出。

龍肉以醢漬之。○書鈔百四十六。御覽八百六十六。醢作醢。藝文類聚九十六。御覽八百六十三。又九百

三十。仍作醢。則文章生。

人食燕肉。不可入水。爲蛟龍所吞。

人食終葵。○俗本冬葵。爲狗所齧。○御覽九百八十。有則字。瘡不差。或致死。

鼠食巴豆三年。重三十斤。

婦人妊身。不欲令見醜惡物。異類鳥獸。食當避異常味。○避下原有其字。依御覽三百六十。刪。不欲令見

熊羆虎豹。○此下原衍御及鳥射四字。依御覽。刪。射雉食牛心。白犬肉。鯉魚頭。席不正。不坐。割不正。不食。

聽誦詩書諷詠之音。不聽淫聲。不視邪色。以此產子。必賢明瑞正壽考。所謂父母胎教之法。盧氏曰。子云

得清祀滋液。則生仁聖。謂錯亂之氣。則生貪淫。子由之氣也。○葉本誤於此分段。故古者婦人妊娠。必慎

所感。感於善則善。感於惡則惡矣。妊娠者不可啖兔肉。○御覽九百七。啖作食。又不可見兔。令兒唇缺。○御覽。唇作口。又不可啖生薑。令兒多指。

異說云。瞽叟夫婦凶頑而生舜。叔梁紇淫夫也。徵在失行也。加又野合而生仲尼。焉其在有胎教也。盧氏曰。夫甲及寅申生者。聖以年作。歲德作甲寅壬申生者。則然矣。亦由先天也。亦由父母氣也。古者元氣清。故多聖。今者俗淫陰濁。故無聖人也。

五月五日。埋蜻蜒頭於西向戶下。埋至三日不食。則化成青珠。○青下原有真字。依御覽八百三。又八百八十八。刪。又云。埋於正中門。

莊子曰。○御覽八百四十二。又九百三十四。並無此三字。地三年種蜀黍。○御覽地下有節字。其後七年多蛇。

鬪戰死亡之處。其人馬血積。年化為燐。○葉本燐下同。燐著地及草木。如霜露。○霜字。依御覽三百七十五。補略不可見。行人或有觸者。著人體便有光。拂拭便分散無數愈甚。○御覽無此二字。有細咤聲。如炒豆。○御覽炒作沙。唯靜住良久。乃滅。後其人忽忽如失魂。經日乃差。○葉本誤於此分段。今人梳頭脫著衣時。有隨梳解結有光者。亦有咤聲。

白鷄雄雌相視則孕。或曰。雄鳴上風。雌鳴下風。則亦孕。○原本雄鳴上風。則雌孕。依御覽九百二十五。補正。

兔舐毫。望月而孕。口中吐子。舊有此說。余目所見也。○原作自。依御覽九百七改。

馬食穀。則足重不能行。

鷹食粟。則翼重不能飛。

山居之民。多癩腫疾。由於飲泉之不流者。今荆南諸山郡。東多此疾。瘡由踐土之無鹵者。今江外諸山縣。偏多此病也。盧氏曰。不然也。作山南人有之。北人及吳楚無此病。蓋南出黑水。水土然也。如是不流泉井。界尤無此病也。

人啖豆三年。則身重。行止難。

啖粉榆。則眠不欲覺。○原脫粉字。依藝文類聚八十八御覽九百五十六補。又藝文御覽。啖。並作食。

啖麥。令人多力健行。○原脫多字。又麥下衍稼字。並依御覽八百三十八刪補。

飲真茶。令人少眠。○御覽八百六十七。作令少眠睡。

人常食小豆。令人肥肌。蠶燥。○御覽八百四十一。作肥燥。蠶理。

食燕麥。令人骨節斷解。

山雞有美毛。自愛其毛。○原作色。依御覽九百十八改。終日映水。目眩則溺死。

翟雉長尾。○原作毛。依藝文類聚九十改。雨雪。惜其尾。栖高樹杪。○御覽九百十七。栖高樹之上。不敢下。

食。往往餓死。時魏景初中。天下所說。鶴水鳥也。伏卵時。數入水。○此三字原脫。依御覽五十二。又九百廿。

五又九百八十八補卵冷則不沸。○御覽九百二十五沸作孕。取礬石周圍繞卵。○圍字依御覽補。又集本周誤用以助暖氣。○以下原衍時字。暖作燥。並依御覽刪改。故方術家以鷄巢中礬石爲真物。○此二字依御覽九百廿五補。

燒馬蹄羊角成灰。春夏散著濕地。生羅勒。○葉本誤連下條。

大腰無雄。龜蠶類也。○御覽九百三十二蠶作蠶。無雄與蛇通氣則孕。○初學記三十。此下有龜蠶皆卵生一句。細腰無雌。蜂類也。○葉本誤於此分段。取桑蠶或阜螽子。呪而成子。詩云螟蛉之子。○今詩之作有蝶羸負之是也。

煎麻油。水氣盡。無煙。不復沸。則還冷。可內手攪之得水。則焰起飛散。○飛字依御覽八百六十四補。卒不滅。此亦試之有驗。○葉本亦作只。

燒白石作白灰。既訖。積著地。經日都冷。遇雨及水澆。卽更燃煙焰起。

螭蟪以背行。快於用足。○二字原倒。依御覽九百四十八乙轉。又快字。御覽作駛。便二字。

江南山谿水中有射工蟲。○水中二字原倒。又脫有字。並依御覽九百五十補。正。甲蟲之類也。○蟲之二字依御覽補。長一二寸。口中有弩形。以氣射人影。○以字依御覽補。隨所著處發瘡。不治則殺人。今蟻螻

蟲。○蟻原作鸚。依御覽九百四十九改。溺人影。亦隨所著處生瘡。咸氏曰。以雞腸草搗塗。經日卽愈。周日。用曰。萬物皆有所相感。愚聞以蠶繭木擊鳥影。其鳥應時落地。雖未嘗試。以是類知必有之。

百足一名馬蚊。御覽九百四十八馬蚊一名百足。中斷成兩段。其頭尾。○此三字依御覽補各異行而去。○異字依御覽補又葉本誤連下條。

斷腸或名蝦蟇。以器養之。食以米砂。○食字依御覽九百四十六補。體蓋赤。所食滿七斤。治攝萬杵。黠女人支體終身不滅。○葉本身誤本俗本作年。今依御覽改。有房室事則滅。故號守宮。傳云。東方朔語漢武帝試之有驗。

割冰令圓。○葉本冰作承。俗本作木。今依藝文類聚九六帖三。御覽六十八又八十二改。又御覽八十二。當作至。舉以向日。以艾於後承其影。○葉本承誤成。則得火。

取火法。如用球取火。多有說者。此未試。

陳葵子微火炒。令爆乾。○原作吡。藝文類聚八十二作吡。今依御覽九百七十九改。散著熟地中。○此字依藝文御覽補。遍踢之。朝種暮生。遠不過經宿耳。

陳葵子秋種覆蓋。○葉本誤作養。令經冬不死。○御覽九百七十九。此下有至字。春有子也。周日用日。愚同熟地。植生菜。蘭攝石流黃。篩於其上。以盆覆之。即時可待。又以變白牡丹爲五色。皆以五色汁日沃其根。以紫草汁則變令紫。紅花汁則變紅。並未試。於理可焉。此出爾雅。

鳥雌雄不可別。翼右掩左雄。左掩右雌。二足而翼。謂之禽。四足而毛。謂之獸。○上條注末。此出爾雅四字。疑當在此下。

人藉帶眠者則夢蛇。

鳥啣人之髮夢飛。

鵲巢門戶背太歲。○初學記三十門戶作開口。此非才智任自然也。○原作得非才智也。白帖九十五同。今依御覽九百二十一廣記四百六十一改。廣記也作爾。又初學記自然下有之得二字。

蠶三化先孕而後交。不交者亦產子。○不交。業本誤作不可。子後爲蠶。皆無眉目。易傷。收採亦薄。

蟹漆相合成水。神仙服食方云。○水原作爲。又神仙下有藥字。並依御覽九百四十二改。

九竅者胎化。○御覽九百二十八化作生。又九百三十二作化。八竅者卵生。龜鼈皆此類。○龜字依御覽補。咸卵生影伏。○御覽生下而有字。

婦人妊娠未滿三月著聲衣冠。平旦左邊井三匝。映詳影而去。勿反顧。勿令人知見。必生男。周日用曰。知女則可依法。或先是男。如何。余聞有定法。定母年日月。與受胎時日算。二週奇則爲男。週偶則爲女。知爲女後即可依法。

荊州極西南界至蜀郡諸山夷。○郡字及山夷二字原並脫去。依御覽三百六十一補名曰獠子。○名原誤。依御覽改。婦人妊娠七月而產。臨水生兒。便置水中。浮則收養之。○俗本收作取。沈便棄之。然千百多浮。既長皆拔去上齒牙各一。以爲身飾。

神仙傳曰。說上據辰尾爲宿。歲星降爲東方朔。傳說死後有此宿。東方生無歲星。○業本誤於此分段接